
АКМАЛ САИДОВ: МИЛЛАТЛАРАРО ТОТУВЛИКНИ ТАЪМИНЛАШДА ЎЗБЕКИСТОНДА ОЛИБ БОРИЛАЁТГАН ИШЛАР ФАРҶОНА ТАЖРИБАСИ МИСОЛИДА БУТУН ДУНЁГА ТАРҶИБ ҚИЛИШГА ЛОЙИҚ

Бугун ФарҶона шаҳрида “ЕХҲТнинг Любляна тавсиялари ва Ўзбекистоннинг миллатлараро тотувлик сиёсати” мавзусидаги минтақавий давра суҳбати ташкил этилди. Унда Олий Мажлис Қонунчилик палатаси Спикерининг биринчи ўринбосари, Инсон ҳуқуқлари бўйича Республика Миллий маркази директори Акмал Саидов, Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси раиси Рустам Қурбонов, вилоят ҳокимининг ўринбосари Жамшед Хатамов, ЕХҲТнинг Миллий озчиликлар бўйича Олий комиссарининг сиёсий масалалар бўйича маслаҳатчиси Антон Томсен, ФарҶона, Андижон, Наманган вилоятлари миллий маданий марказлари раҳбарлари, ННТлар вакиллари ҳамда онлайн тарзда ЕХҲТ координаторлари қатнашди.

Давра суҳбатида миллатлараро бағрикенглик, ўзаро ҳурмат ва дўстона алоқаларни ўрнатиш орқалигина дунёда барқарорлик, осойишталикни таъминлаш мумкинлигига иштирокчилар эътибори қаратилди.

Вилоят ҳокимининг ўринбосари Жамшед Хатамов 2022-2026 йилларга мўлжалланган Янги Ўзбекистоннинг Тараққиёт стратегиясида ушбу йўналишда белгиланган мақсад ва вазифалар ҳақида тўхталиб ўтди.

Аҳоли сони 4 миллион нафарга яқин бўлган ФарҶонада тожик, қирғиз, рус, корейс, украин, татар, озарбайжон, қорақалпоқ, қозоқ, беларус ва туркман каби турли миллат вакиллари ҳамжиҳатликда яшаб, юрт ривожига хисса қўшиб келаётгани таъкидланиб, вилоятда турли миллат вакиллари ижтимоий-иқтисодий қўллаб-қувватлаш борасида тизимли ишлар йўлга қўйилганлиги айтилди.

Хусусан, қирғиз, қозоқ ва рус тилида таълим берилувчи 99 та умумтаълим муассасаларида 73 минг нафардан зиёд ўқувчилар таълим олмоқда. Шунингдек, барча зарур моддий-техник воситалар билан таъминланган ФарҶона шаҳридаги “Дўстлик уйи”да 8 та миллий маданий марказлар фаолият олиб бормоқда. Олий таълим муассасалари учун эса “Дўстлик клуби” ташкил этилган.

Инсон ҳуқуқлари бўйича Миллий марказ директори Акмал Саидов миллатлараро тотувликни таъминлашда Ўзбекистонда олиб борилаётган ишлар ФарҶона вилояти тажрибаси мисолида бутун дунёга тарғиб қилишга лойиқ эканлигини қайд этди.

Давра суҳбатида Ўзбекистонда миллатлараро тотувлик сиёсатининг асосий йўналишлари, самарали интеграция сиёсатининг асосий элементлари ва йўналишлари каби бир қатор мавзуларда маърузалар тингланиб, муҳокамалар бўлиб ўтди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-05-23 18:24:00